

五邊典則

顧廷龍署



五達典則

續正統志

五邊典則卷之十

信安徐日父子卿父集

勾餘施邦曜爾輯父

閩漳張

燮紹和父

嘉靖四十年正月虜騎萬餘自河西踏水渡
河寇掠五花營守備王世臣千戶李虎等迎
戰於冰橋敗死

四月巡撫大同都御史楊選奏今邊事日敝
須假臣等以歲月寬其法網然後可議脩復
今繕甲兵者欲充行伍而司錢穀者則意在

扣除脩牆垣者欲求堅固而領度支者則意在限工又請乞兵餉勢急倒懸題發之時每加裁削事事掣肘柰何責邊臣展布下戶部議覆屬者各邊奏置格眼冊籍開註逃亡正爲虛實數便選補耳若一切置而不問豈得無姦脩邊日程本視工之大小未嘗一驟責其速成也若主客兵餉則已歲歲加增過原額數倍今但當督催民運積逋若專仰度支卽竭

內帑供餽日益不給矣

上以爲然

六月先是宣府邊外有流夷史大史二等爲
黃台吉以兵威略屬之因用爲導以內訌永
寧龍門之間頗被其害然黃酋淫虐凡史夷
妻女凡所部夷婦有色者多爲所漁併攘其
牛馬繇是史夷怨恨不附累通款邊臣願內
附保塞邊臣疑其詐令殺虜自效以立徵信
史夷兄弟乃斬黃酋所署監部夷孫頭目忍

克等十餘人盡戕其衆以其俘馘來獻守臣
以聞

詔賞史大織金紵絲衣一襲綵段二表裡史二
綵段二表裡夷人桃花帶等將官呂淵等五
人令軍門獎賞有差

七月巡按御史董學疏報六月內大同總兵
官劉漢出邊搗巢輕率寡謀所將士馬俱被
虜騎蹙入黑河中乞亟論漢失事之罪而巡
撫楊選總督李文進身肩重任不能節制其

下亦當議罰時選及文進方以捷聞與學疏並
下兵部言漢等謀失萬全不能無罪今秋防
在邇宜寬假之俟事寧通論功罪

上然之命姑奪漢俸令戴罪殺賊而責選及文
進策勵供職

九月

上諭輔臣曰北虜爲謀深狡非常本兵何乃不
慮原內宜多而胡不足較今須益兵堅守勿
輕戰京營亦宜爲備于是部臣楊博上言俺

答黃台吉二酋夏月會駐青山之後其謀甚
深秋杪分屯宣大之間其跡漸露大約聲東
擊西窺伺薊鎮及知我有備一路窺宣府馬
營等堡一路窺大同平虜等城臣移文各督
臣日允數四賊在大同者已檄將官捕其三
面邀其情歸復屯兵守左右衛在宣府者部
分總兵遊擊官當北路之衝而又留副將等
兵守南山內外之防不敢不豫今仰承

聖諭請申飭各邊諸臣部署士馬堅壁固壘外

收邊圉萬全之功將京營兵馬通行整棚必俟冬寒冰合乃可解嚴從之

虜六萬餘騎犯居庸岔道口官軍禦之原任總兵姜應熊先進遇虜於南溝虜縱騎圍之應熊身被五鎗墮馬叅將胡鎮庵所部兵力戰射傷數騎奪應熊以歸虜遁去

上諭撫臣曰朕聞虜入已久恃各邊小有備賊稍知畏可於諸城堡遍給火器以禦之仍堅守勿戰以仰奉上天保祐之意於是部臣楊

五邊典則 卷一
傳言今歲虜謀異常在西者分入宣雲以誘
我薊西之兵在東者屯分邊右以窺我薊東
之怠大意垂涎畿甸欲爲深入之計仰蒙
宸諭中外戒嚴虜遂西侵宣大今塞外早寒勢
無能爲謹如

聖諭傳示邊臣

上曰然薊鎮火器工部亦以時多給之

四十一年六月甲寅總督宣大尙書江東言
北虜自二十九年深入之後謀臣經略無慮

數家有爲脩邊之說者宣府東自開平西至
洗馬林大同東自新平西至丫角山山西則
自偏頭以至平刑築垣乘塞延袤二千里而
一時中外翕然謂可恃以無虞及其虜之潰
墻直下曾無結草之固又有爲築堡之說者
使人自爲戰家自爲守棋布星羅遍滿川原
然虜一深入望風瓦解村落殲則掠及小堡
小堡空則禍延中堡中堡盡而大堡存者僅
十之一二又有謂守無足恃倡爲血戰之說

者惟以戰勝爲功不以敗亡爲罪而不度彼
已易於嘗虜良將勁兵銷滅殆盡凡此之計
臣已目見其困矣萬不得已惟有保全邊堡
一策最爲切要而邊堡之所全其說有十積
穀一也徵還各營選調之卒二也選練本堡
土兵共守三也增城濬池四也築火墩以便
耕牧使商旅通行有警易於收保五也造雙
輪車以備戰守六也擇任將帥和睦行陣七
也信賞必罰八也厚恤間諜九也嚴禁邊軍

通虜十也此十說者擬之焚廷老上拓壤狼
居似非遠猷然臣竊謂言之而可行行之而
可以要其成成之而可以久無出於此臣又
惟諸邊大弊在於文武不同心上下不相信
速責效者務爲粉飾之計憚明作者多事因
循之圖過疑懼者又逡巡遜避不盡試其所
長夫亡羊補牢固爲已晚方病蓄艾尙儻可
及臣今勉帥諸臣同心戮力務祛風弊惟
陛下寬其文法使得少效萬一疏下兵部議覆

五邊典則 卷十
從之

十一月辛巳虜犯山西神池等處大掠數日
而出總兵吳徵許爲與虜戰報功御史王好
問劾之

詔革徵任逮問

四十二年三月發太倉銀十萬兩于宣府增
買糧料戶部因言宣府四十年所上計簿中
間侵盜洩爛虧短少之數以千萬計而往歲
新收籍內未見有一追償者且在邊姦商人

等百計侵沒官司多不能發今已發者又不
能追將來姦弊何所紀極乞下鎮巡官嚴限
追脩得

旨該鎮侵折糧料數多全不追賠竟成法紀其
令巡按御史嚴限追之仍查叅該管官容私
通姦之罪

六月巡撫山西右僉都御史楊宗氣以該鎮
防秋兵餉不足請將平陽太原潞安三府澤
遼沁汾四州所屬扣除民壯銀二萬五千五

五邊典則 卷十 七
百七十餘兩爲用仍乞給發帑銀足之部覆
言在外撫院一切羨餘盡屬官物近來各處
邊臣取充私橐是以年例日增

內帑日匱今宗氣欲以扣除民壯銀作客兵支
用誠有忠於爲國同心共濟之義可卽許之
仍咨各督撫凡有無礙銀卽籍數報上以憑
覆請作正餉

詔允之更給以帑銀七萬三千九十餘兩

十二月總督宣大山西尙書江東巡撫宣府

部御史楊巍奉

旨條議宣府主客兵錢糧先後盈縮事宜一主
兵之費自十八年以前歲用年例京運淮蘆
鹽引河東鹽價各省民運及本鎮歲徵屯田
地畝園種之數其本色米豆二十八萬八千
一百七十八石有奇草二十二萬七千一百
七十束有奇折色銀八十二萬六千五百七
十九兩有奇自是而後雖有不同要亦不甚
相遠迨三十年來或以新募軍馬而增發帑